

La Quotidiana 19-9-2016, 15

9.03 PROFIL

Mia vita – mia musica cun Arnold Rauch

La libertad è ina chanzun



Sia vusch, ses films e ses chau enconuschan pli o main mintga auditur ed aspectatura da RTR. Dapli 35 onns tratogna, infurmescha e raquinta Arnold Rauch (62) istorgias al public dad radio e televisiun. Sia lavur reflectescha in grond interess per la singula persuna e sias istorgias. Da gronda muntada è adina era stada la musica. El saja savens persequità da melodias ed el chamina pli u main adina cun ina chanzun en il chau u en lureglia . «Auters han in chan, eu nha la musica». Arnold Rauch preschenta ses tocs e sias istorgias.

Redacziun: Guadench Dazzi